

- Поистинне нелепо рещи: от великая тоя печали подобен есмь стени,
 Или яко дуб^н при пути повержен, от всех ногами попираем,
 Также и аз грешный и недостойный от всех человек презираем,
 220 Или яко некий сосуд непотребны изметаем бывает вон.
 А ведомо есть, и всяко земное житие пар^о есть и сон.
 И что ми о том много вещей к твоему благородию приводити,
 4. 55 об. Подобает же на всесилнаго || бога вся надежа возложити.
 Той всем нам надежа, и упование, и промысленник и кормитель,
 225 И на вся видимыя враги наша непобедимый прогонитель.
 И еще мышлю в сердцы моем, надеюся на тебя, государя моего
 милосердаго,
 Вем бо тя верою к богу и правдою, аки адаманта твердаго.
 Якоже и преже рех, не имею милующаго, ни ущедряющаго отнюд,
 Вем бо паки, многих свела лютая скупость и немилосердие, внезазорный
 студ,
 230 Не поминающе апостольскаго речения: «Не брашном брата своего
 погубляй,
 Но егда в нужди и беде есть, тогда ему всячески помогай».
 И паки пишет: «Брат от брата помогаем бывает,
 Яко град тверд, а презирающии и немилующии и сами своим душам
 вечныя муки проуготовляют».
 Ты же, государь, не внимаи, не ревнуй таковому злому обычаю и нраву,
 4. 56 235 Да получишь себе не токмо zde, но || и тамо у Христа бога вечную
 славу.
 Еще молю твою премилостивую и многощедрую ко всем утробу,
 Да не прежде времени предадимся бездушной вещи гробу.
 Ущедри свое благонравное сердце и буди въместо бога,
 Да сподобишися стати у самаго его небеснаго чертога.
 240 И паки: укупи благородной души своей и телу спасение,
 Да будеши имети у владыки Христа бога велие дерзновение,
 Понеже всех добродетелей вящи у него вменяется
 И у самаго его страшнаго и неприступнаго престола поставляется,
 Иже кто в скорби и беде сущей другу своему поможет,
 245 Той воздуха и облаки и солечныя луча пройти возможет,
 Якоже и выше рех, стати у самаго его престола божия,
 А мы, грешнии, плачемся, стоя у твоего государева подножия,
 Э горкими слезами и болезненным сердцем к тебе, государю вопием,
 Понеже по грехом своим преданы есмы злым || и немилостивым змием.
 4. 56 об. 250 Иже на всяк день и час тянут сердце, аки клещами,
 И злым умышлением измождавают жилы, аки огненными свещами,
 Для ради своего тленнаго прибытка и кровавыя корысти,
 Понеже извыкли, аки червь, древо православных христиан грысти
 Пожалуй, государь, что на искупление от того тления смертнаго,
 255 Да сподобит тя господь бог со избранными своими венца нетленнаго.
 И на препитание многогрешной души и телу и з горкими сиротами,
 Да украсится душа твоя добрыми дельми, аки драгими пестротами,
 Как тебе, государю, вышняго промысл известит и пречистая его мати.
 Да даст ти всегда силу и помощь враги царевы побеждати.
 260 И молю тя, государя, ^н в гнев не положити,^н
 Ни в великую тягость и паки не позазрити,
 Поне от нужды и от беды тако дерзаем
 4. 57 И твоему достойному величеству и добродеею || докучаем.
Аще бы не в таковой скорби и беде, не так бы тебе, государю, и скучали,
^н Испр.: в ркп. руб. ^о Испр.: в ркп. пара. ^{н-н} В ркп. не положити в гнев.